

元和郡縣志卷十九

唐 李吉甫 撰

河東道

潞州 上黨大都督府

開元戶六萬四千二百七十六 鄉一百三十三  
元和戶一萬七千八百 鄉一百二十

今為澤潞節度使理所 管潞州澤州邢州洛州磁

隸澤路節度使管內 管縣三十七  
都管戶二萬六千二百四十三

禹貢冀州之域殷時為黎國春秋時屬晉又兼有潞子  
之國潞子嬰兒為晉所滅戰國時屬韓別為都以其遠

元和郡縣志 卷十九

韓近趙至趙孝成王時馮亭以上黨降趙復為趙地秦

為上黨郡地後漢末董卓作亂移理壺關城即今州理

是也周武帝建德七年于襄垣縣置潞州上黨郡屬焉

隋開皇十年罷郡自襄垣縣復移潞州于壺關即今州

是也州得名因潞子之國武德元年又于襄垣縣置韓

州貞觀十七年廢開元七年以立宗歷試嘗在此州置

大都督府

州境 東西二百九十三里  
南北三百三十六里

八到 西南至上都一千三百三十里  
南至東都四百七十里



東取穴陘嶺路至相州三百五十里  
東南至澤州一百八十七里

西至晉州三百九十里  
西北至沁州二百一十里

北至儀州三百一十里  
東北至洛州四百五十里

貢賦 開元貢 人參 墨 賦 布 麻

管縣十

上黨 長子 屯留 潞城 壺關 黎城

銅鞮 鄉 襄垣 涉

上黨縣 望郭下

開元戶一萬一千三百八十三 鄉二十二

元和郡縣志 卷九

二

本漢壺關縣也隋開皇中分壺關置上黨縣屬潞州釋名曰黨所也在于山上其所最高故曰上黨

雞鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圍壺關起土山于城西北角穿地道于城西內築界城以遮之

五龍祠在縣東南二十里五龍山上慕容永所立以祭

五方神

馮亭墓在縣西五里



長子縣

繫東北至州五十二里

開元戶二萬二百六十六

鄉三十二

漢舊縣本春秋時地名左傳曰晉人執衛石買于長子是也慕容永僭號于此稱西燕為慕容垂所滅隋開皇九年移寄氏縣理此屬潞州十八年改寄氏為長子縣發鳩山在縣西南六十五里濁漳水出焉

羊頭山在縣東五十六里後漢安帝時羌寇河東以任尙為御史擊破于羊頭山謂此也

神農城後魏風土記曰神農城在羊頭山上山下有神

元和郡縣志

卷九

三

農泉卽神農得嘉穀之所

武訖嶺在縣南四十五里風土記曰秦趙戰于長平趙軍敗退秦將白起逐至此名曰武訖嶺

屯留縣

上東南至州六十四里

開元戶八千一百六十六

鄉十七

本晉邑春秋曰晉人執衛行人孫蒯于屯留是也漢以為縣屬上黨郡高齊省隋開皇中重置屬潞州絳水出縣西南方山去縣八十四里

潞城縣

上南至州四十里



本漢潞縣屬上黨郡卽春秋時赤狄潞子嬰兒國也晉滅之後魏太武帝改潞縣爲刈陵縣屬襄垣郡隋開皇十六年于此置潞城縣屬潞州

黃阜山在縣西北二十五里劉聰將綦母劼敗晉將崔恕于黃阜

漳水一名潞水在縣北閼駟曰潞水在縣北爲冀州浸卽漳水也按王猛與慕容評相禦于潞川評鬻水與軍人絹疋水二石則此無他大川可以爲浸所有惟漳水

元和郡縣志

卷九

四

耳故土俗尚謂濁漳爲潞水也

武王塢在縣西北四十里塢東有後魏天柱大將軍爾朱榮碑文曰建義元年東討逆賊鎮豎葛榮軍次上黨武王祠東有二狡兔從賊方而來天柱彎弓祝之曰中則擒葛榮不中則否應弦而殪遂擒榮

壺關縣

上西北至州三十里

本漢縣也屬上黨郡山形似壺于此置關故名壺關隋開皇十六年分壺關置上黨縣大業二年省壺關併入上黨武德四年重置



羊腸坂在縣東南一百六里沾水出焉

漢壺關三老令狐茂墓在縣東北一十九里上書明辰太子寃者

曹公壘在縣東南一百二里曹公攻高幹所築

黎城縣 中西南至州一百二十里

古黎國春秋曰晉荀林父滅潞立黎侯而還今縣東十八里黎侯城是也漢爲潞縣之地後魏太武改潞縣爲川陵縣隋開皇十八年改川陵爲黎城縣武德初屬韓州貞觀十七年廢韓州屬潞州

元和郡縣志

卷九

五

古壺關在縣東二十五里春秋齊國夏伐晉取八邑有孟口孟口卽壺口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣 上東至州一百五十里

本晉大夫羊舌赤邑時號赤曰銅鞮伯華漢以爲縣屬上黨郡隋開皇十六年改屬沁州大業二年省沁州復屬潞州武德六年屬韓州貞觀十七年廢韓州復隸潞



州

三

石梯山在縣西三十里

關與城在縣西北二十里史記曰秦昭襄王攻趙關與趙奢曰其險狹譬如兩鼠鬪于穴中將勇者勝遂破秦軍解關與之圍

晉銅鞮宮在縣東十五里子產曰今銅鞮之宮數里斷梁城在縣東北三十里下臨深壑東西北三面阻澗廣袤二里俗謂之斷梁城

叔向墓在縣東十八里

元和郡縣志

卷九

六

鄉縣

中東至州一百七十里

本漢涅氏地屬上黨郡晉始爲武鄉縣屬樂平郡石氏分上黨置武鄉郡縣屬焉隋開皇初廢郡縣屬潞州晉縣原有武字後草創失其舊名

禿頂山在縣西北九十三里

石白嶺在縣北六十五里

護甲水在縣西北八十里

襄垣縣

上南至州九十三里

本漢舊縣屬上黨郡趙襄子所築因以爲名後魏孝莊



帝改爲襄垣郡隋開皇十六年改襄垣縣置韓州縣屬焉貞觀十七年廢州縣屬潞州

鹿臺山在縣南二十里

涅水在縣西北六十里

濁漳水在縣南二十一里

天井關在縣東南四十里置在天井谷內深邃似井因以爲名魏武初遷鄴于此置關周建德六年廢

涉縣 上南至州一百八十里

本漢舊縣屬魏郡因涉河水爲名晉屬廣平郡後省隋

元和郡縣志

卷九

七

開皇十年于故涉城重置涉縣屬磁州十六年改屬韓州貞觀十七年廢韓州縣屬潞州

清漳水一名涉河在縣南一里

澤州 高平上

開元戶二萬二千二百三十五  
元和戶三千五百二十七

鄉五十九  
鄉五十

禹貢冀州之域春秋時屬晉戰國時屬韓魏後屬趙秦使白起破趙于長平卽今州北高平縣西北二十一里長平故城是也秦并天下今州卽上黨郡地漢爲上黨郡高都縣之地也後魏道武帝置建興郡孝莊帝改置



建州周改建州為澤州蓋取濩澤為名也漢鳥怕反

州境東西二百九十里南北一百五十里

八到西南至上都一千一百四十里西南至東都二百八十里

東踰山至衛州四百一十里西至絳州四百四十里

北至潞州一百四十九里北至太原府大路六百一十里

貢賦開元貢白石英人參賦布麻

元和貢白石英五十斤野雞九十隻

管縣六

晉城 高平 陵川 沁水 陽城 端氏

元和郡縣志 卷九

晉城縣上郭下

本漢高都縣屬上黨郡隋開皇三年改屬澤州十八年改為丹川縣因縣東丹水為名貞觀三年改置晉城縣太行山在縣南四十里禹貢曰太行恒山至于碣石注曰二山連延東北接碣石

丹水在縣北十二里司馬山俗傳秦坑趙象流血丹川故名丹水斯為不經也

天井故關一名太行關在縣南四十五里太行山上高平縣上南至州八十里



本漢涇氏縣屬上黨郡在涇水之上故以爲名後漢改爲立氏屬建興郡高齊文宣帝省立氏縣自長平高城移高平縣理之仍改高平縣屬高都郡隋開皇三年改屬澤州

頭顱山一名白起臺在縣西五里秦坑趙衆收頭顱築此臺

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬衆于此

元和郡縣志

卷九

九

盡殺之

長平關在縣北五十一里

陵川縣中西至州一百四十里

本漢涇氏縣地隋開皇十六年于此置陵川縣因川爲名屬澤州

太行山在縣西南百里

沁水縣中東南至州二百里

本漢端氏縣地後魏孝莊帝于此置秦寧郡及東永安縣高齊省郡而縣存隋開皇十八年改爲沁水縣



沁水在縣東北五十二里

古王離城在縣東北五十里秦時王離擊趙所築四面絕險

陽城縣 中東至州一百一十里

本漢濩澤縣屬河東郡因濩澤為名也隋改屬澤州天

寶元年改為陽城縣

析城在縣西南七十五里

濩澤在縣西北十二里墨子曰舜漁于濩澤

端氏縣 中南至州一百里

元和郡縣志

卷九

十

本漢舊縣也史記曰趙成侯十六年與韓魏分晉封晉君于端氏肅侯元年奪晉君端氏徙處屯留漢以為縣屬河東郡晉屬平陽郡後魏屬安平郡隋開皇三年罷郡屬澤州

石門山在縣西南四十一里

沁水在縣南一里

邢州 鉅鹿上

開元戶五萬八千八百二十 鄉一百二十  
元和戶三千六百九十二 鄉三十三

禹貢冀州之域亦古邢侯之國邢侯為紂三公以忠諫



被誅周成王封周公旦子爲邢侯後爲狄所滅齊桓公  
遷邢于夷儀按故邢國今州城內西南隅小城是也夷  
儀今龍崗縣界夷儀城是也春秋時屬晉後三家分晉  
屬趙秦兼天下于此置信都縣屬鉅鹿郡項羽改曰襄  
國蓋以趙襄子諡名也趙歇爲趙王張耳爲常山王並  
理信都襄國今州理龍崗城是也前趙嘉平元年石勒  
屯兵許昌張賓說勒曰觀王彌有王青州之心遲迴未  
發者懼明公踵其後也明公獨無并州之思乎勒從之  
遂長驅至鄴攻晉北中郎將于三臺張賓又進曰三臺  
險固攻守未易卒下王彭祖劉越石大敵也宜及其未  
至密規進據牢城掃定并薊桓文之業可濟也邯鄲襄  
國趙之舊都依山憑險形勝之國可擇此二邑而都之  
王業可圖也勒于是進據襄國王浚遣兵五萬人來討  
勒勒欲挑戰張賓諫曰夫用兵當以己所便擊彼所不  
便今段末柸強悍且宣示之以弱鑿北壘爲突門二十  
餘道伏精卒候賊列守未定出其不意擂鼓奮勇直衝  
柸帳柸卒旣奔則彭祖可指辰而定也勒從其計遂生  
擒末柸永嘉六年勒僭號遂定都焉至季龍徙都鄴爲



襄國郡三氏既滅罷之後魏復為襄國縣隋開皇三年以襄國縣屬洛州九年改為龍崗縣十六年割龍崗等三縣置邢州以邢國為名也大業三年改為襄國郡武德元年改為邢州置總管二年陷竇建德四年討平之又為劉黑闥所陷五年擒之依舊為邢州

州境 東西二百八十二里 南北一百三十六里

八到 西至上都一千九百里 西南至東都八百四十里

東至貝州二百三十里 東南至洛州一百二十里

西踰山至儀州二百三十五里 東北至趙州一百九十里

元和郡縣志

卷九

十三

貢賦 開元貢 賦 文石獅子 絲布

管縣九

龍崗 堯山 鉅鹿 沙河 平鄉 南和

任 內丘 青山

龍崗縣 上郭下

古邢國也秦以為信都項羽更名曰襄國漢因不改石勒僭號據之勒未立前襄國有讖曰古在左月在右讓亡言或入口識者以為胡有襄國也周武帝改為襄國郡隋開皇三年罷郡縣屬洛州九年改為龍崗縣以西



北有龍崗因名之十六年于此置邢州龍崗縣屬焉皇朝因之

土山在縣東百五十步昔冉閔攻石祗于襄國爲土山地道于此

石井崗一名龍崗在縣西北七里崗上有井大如車輪石勒時天旱沙門佛圖澄于此握得一死龍長尺餘漬之以水良久乃蘇雨遂大降因名龍崗

夷儀嶺在縣西百五十七里

夷儀故城在縣西四十里今俗謂之隨宜城蓋語訛也

元和郡縣志

卷九

三

石勒墓在縣南十五里

堯山縣

上西南至州八十里

本曰柏人春秋時晉邑戰國時屬趙秦滅趙屬鉅鹿郡漢高祖八年從平城過趙趙相貫高壁人厠上要之上心動問縣名何曰柏人上曰柏人者迫于入也不宿去後魏改入爲仁隋開皇三年罷鉅鹿郡屬趙州大業三年改屬邢州天寶元年改爲堯山縣

泣水在縣西一里俗亦名曰脂溝

柏人故城在縣西北十二里



張耳臺在縣西北十二里

鉅鹿縣

上西至州一百一十九里

本漢南樂縣地隋開皇六年于此置鉅鹿縣屬趙州取漢鉅鹿縣之名也武德元年于此置起州又立白起縣二年陷竇建德四年討平罷起州以縣屬趙州貞觀元年改屬邢州

大陸澤一名鉅鹿在縣西北五里禹貢曰恒衛既從大陸既作按澤東西二十里南北三十里葭蘆芡蓮魚蟹之類充物其中澤畔又有鹹泉煮而成鹽百姓資之

元和郡縣志

卷九

四

沙河縣

上北至州三十五里

本漢襄國縣地隋開皇九年改襄國爲龍崗縣十六年分龍崗于此置沙河縣以沙河在縣南五里因以爲名黑山在縣西四十里出鐵

磬口山在縣西南九十八里漢魏時舊鐵官也

平鄉縣

上西至州九十里

本春秋時邢國後爲趙地始皇滅趙以爲鉅鹿郡亦大稱也張耳與趙王歇走入鉅鹿城王離圍之卽此地也後魏自平鄉故城移平鄉縣于此理之屬廣平郡隋開



皇三年屬洛州十六年改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築趙李兌圍武靈王于沙丘官王探雀殼食之而死秦始皇東巡回死于沙丘

南和縣

緊西南至州三十八里

本漢舊縣屬廣平國後漢屬鉅鹿郡石趙屬襄國郡周屬南和郡隋開皇三年屬洛州十六年改屬邢州

元和郡縣志

卷九

十五

鴛鴦水經縣北五里

張賓墓在縣西十二里石勒軍師號曰右侯

任縣

上西南至州三十八里

本漢張縣地在今縣西南潯陽城是也後漢省趙于此置苑縣石氏滅廢隋開皇十六年于此置任縣屬邢州大業三年省武德四年重置

張城一名潯陽城在縣西南二十七里漢張縣也石勒傳晉將王浚遣石季龍盟就六眷于潯陽謂此也

內丘縣

上南至州五十八里



古邢國地在漢爲中丘縣屬常山郡晉于此立中丘郡  
石趙改爲趙安縣後魏孝文帝復立中丘縣隋室諱忠  
改爲內丘開皇三年屬趙州大業二年改屬邢州

鵲山在縣西三十六里昔扁鵲將號太子遊此山採藥  
因名

青山縣 中東南至州五十里

本漢中丘縣地隋開皇十六年于此置青山縣屬邢州  
縣界有青山因名大業二年省縣屬龍騰府武德元年  
析龍崗內丘兩縣重置屬邢州

元和郡縣志

卷九

六

黑山一名青山在縣西二十里幽深險絕爲逋逃之藪  
周太祖諱黑因改黑山爲青山縣取名焉

雷公山在縣西南八里漢末黑山羣盜張飛燕等不立  
君長直以名號爲稱多髯者謂之羝公大聲者謂之雷  
公時有雷公賊保此因以爲名

洛州 廣平望

開元戶七萬七千一百五十 鄉一百四十六  
元和戶鄉數傳寫缺

禹貢冀州之域春秋時赤狄之地後屬晉荀林父敗赤  
狄于曲梁按曲梁卽今州理地也七國時屬趙趙敬侯



始都邯鄲至幽王遷為秦所滅秦兼天下是為邯鄲郡  
漢武帝置平干國宣帝改曰廣平自漢至晉或為國或  
為郡永嘉末石勒據有其地石氏滅又屬慕容雋至子  
暉滅又屬苻堅後慕容垂得山東其地復屬焉周武帝  
建德六年于郡置洛州以水為名隋大業三年罷州為  
永安郡武德元年又改為洛州兼置總管二年陷于竇  
建德四年討平又為建德舊將劉黑闥所陷尋討平之  
六年罷總管復為洛州

州境 東西一百九十七里  
南北一百一十二里

元和郡縣志

卷九

八到 西南至上都一千六百二十里  
西南至東都七百六十里

東南至魏州一百六十四里  
正西微北至儀州三百六十四里

東北至貝州二百二十里  
西北至邢州一百二十里

貢賦 開元貢 平緇 縑 縑 縑

管縣八

永年 雞澤 洛水 肥鄉 清漳 曲周

臨洛 平恩

永年縣 望郭下

本漢曲梁縣屬廣平國後漢屬鉅鹿郡高齊文宣帝省



曲梁置廣平縣隋開皇三年罷郡屬洛州仁壽元年改廣平爲永年避煬帝諱也

洛水在縣南三里

雞澤在縣西南十里左傳諸侯同盟于雞澤今其澤魚鼈菱芡州境所資

廉頗臺在州城南十里十六國春秋冉閔遇慕容恪于廉臺十戰皆敗

皇家平劉黑闥壘在縣西南十里洛水南貞觀四年于壘東置昭福寺碑岑文本撰

元和郡縣志

卷九

六

雞澤縣

上西南至州五十里

本漢廣平縣地隋開皇十六年于廣平城置雞澤縣大業三年省武德四年重置

洛漳二水在縣東南二十五里合流東入平鄉縣界

洛水縣

上西至州五十里

本漢斥漳縣屬廣平國漳水經其城其地斥鹵故曰斥漳隋開皇六年以縣西近洛河改爲洛水屬洛州

衛漳故瀆俗名阿難渠在縣西二百步蓋魏將李阿難所導故名



黃塘坡在縣西北十五里晉龍驤將軍劉牢之救苻丕追慕容垂大軍于黃塘泉卽此坡也

肥鄉縣

上西北至州四十五里

本春秋時晉地七國時屬趙今縣卽漢邯鄲縣地魏黃初二年分邯鄲列人等縣立肥鄉屬廣平郡後魏省入臨漳隋開皇十年又置屬磁州十六年割屬洛州

肥鄉故城在縣西二十二里

平原君墓在縣東南七里

清漳縣

上西北至州七十里

元和郡縣志

卷九

十九

本漢列人縣地按列人縣故城在今肥鄉界隋開皇十六年于此置清漳縣南濱漳水因以爲名屬洛州

曲周縣

上西南至州八十里

本漢舊縣屬廣平國鄴商爲曲周侯後漢屬鉅鹿郡魏屬魏郡後魏宣武帝改置曲安縣屬廣平郡高齊省隋開皇六年復置屬洛州大業二年省武德四年于曲周故城重置

漳水在縣西二十九里

阿難枯渠在縣南十四里



臨洛縣

緊東南至州五十里

本漢易陽縣地屬趙國後魏省入邯鄲縣隋開皇十年移邯鄲縣理陟鄉城城在今邯鄲縣界仍于北中府城別置臨洛縣北濱洛水因以為名屬磁州大業三年割屬洛州

狗山在縣西十里山頂石上有狗跡因名武德五年太宗親總戎討劉黑闥于此立營

平恩縣 上西至州八十三里

本漢舊縣也屬魏郡宣帝以許廣漢為平恩侯魏省尋

元和郡縣志

卷九

三

復置隋開皇三年罷屬洛州

康臺澤在縣東五里

磁州

滏陽上

元和戶一千四十 鄉一十三

此州置自永泰故不載開元戶鄉與貢賦

本漢魏郡武安縣之地周武帝于此置滏陽縣及成安郡隋開皇十年廢郡于縣置磁州以縣西九十里有磁山出磁石因取為名大業二年廢以縣屬相州皇朝永泰元年重置以河東有慈州故此加石也

州境

東西一百七里 南北一百一十五里



八到

西南至上都一千五百四十里

西南至東都六百四十五里

南至相州六十五里

西至潞州三百四十里

正北微東至洛州三百十里

貢賦

元和貢

紗

鳳翮席

管縣四

滏陽

邯鄲

昭義

武安

滏陽縣

望郭下

本漢武安縣之地魏黃初三年分武安立臨水縣屬廣平郡以城臨滏水故曰臨水以城在滏水之陽亦曰滏

元和郡縣志

卷十九

三

陽周武帝于此別置滏陽縣屬成安郡隋開皇三年廢郡縣屬相州十年于此置磁州滏陽屬焉大業二年廢磁州縣屬相州永泰元年重立磁州縣又割屬

鼓山一名滏山在縣西北四十五里滏水出焉泉源奮涌若滏水之湯故以滏口名之八陁第四曰滏口陁山嶺高深實為險阨

石季龍墓在縣西南十四里

佛圖澄墓在縣西南十七里

高齊神武陵在縣南三里



邯鄲縣 上南至州七十里

本衛地也後屬晉七國時爲趙都趙敬侯自立晉陽始都邯鄲至幽王遷降秦遂滅趙以爲邯鄲郡邯山名也單盡也城郭從邑故單字加邑魏以爲縣屬廣平郡隋開皇十年置磁州邯鄲縣屬焉大業二年廢磁州縣屬洺州永泰元年重立磁州縣還割屬

邯山在縣東南五里

叢臺在縣城內東北隅

洪波臺在縣西北五里

元和郡縣志

卷九

三

趙簡子墓在縣西南十二里

公孫杵臼程嬰墓在縣西十五里

趙奢墓在縣西北七里

樂毅墓在縣西南十八里

藺相如墓在縣西南二十三里

昭義縣

上東南至州四十里

魏黃初三年于今滏陽縣置臨水縣北齊天保元年移理松釜周武帝建德六年廢永泰元年再置仍改名昭

義



武安縣

上東南至州九十里

本七國時趙地趙將李牧封武安君卽今縣也漢屬魏郡魏屬廣平郡隋開皇三年屬相州十年割屬磁州大業二年磁州廢割屬洛州後置磁州又分隸焉

關與山在縣西南五十里趙奢拒秦軍關與卽此山也洛水西北去縣八十三里

武安故城在縣西南五里六國時趙邑也趙奢之救關與秦軍鼓譟武安屋瓦皆動卽此城也

元和郡縣志

卷十九

三

元和郡縣志卷十九